

ზურაბ ჩხეიძე დიცში შექმნილ ვითარებაზე პასუხისმგებლობას საქართველოს პრემიერ-მინისტრს აკისრებს

23 სექტემბერი 2013

საქართველოს პრემიერ მინისტრს დააკისრა ,, მოვუწოდებ საქართველოს მთავრობას და იმ ადამიანებს, რომლებიც ჩართულნი არიან მოლაპარაკების პროცესში, უფრო კატეგორიულად დააყენონ ეს საკითხები, რათა დაცული იქნეს აქ მაცხოვრებელი მოსახლეობის ინტერესები. მსგავსი სიტუაცია არის რეგიონის ძალიან ბევრ სოფელში. აქვე მინდა მივმართო საქართველოს პრემიერ მინისტრს. ბატონო პრემიერო თქვენ თუ გაგებით ეკიდებით იმას რაც აქ ხდება, მე დარწმუნებული ვარ საქართველოს მოსახლეობის უმრავლესობა ამას გაგებით ვერ მოეკიდება. დროა იმოქმედოთ, მოითხოვოთ კატეგორიულად საკითხების დაყენება, ვინაიდან შეგახსენებთ, რომ ამ ყველაფერზე რაც აქ ხდება თქვენ ხართ პასუხისმგებელი,“ განაცხადა ზურაბ ჩხეიძემ. ამასთან, გუბერნატორმა ერთ-ერთი ადგილობრივი მაცხოვრებელი პროვოკაციის მოწყობის მცდელობაში დაადანაშაულა, იქ მყოფი სამართალდამცავები კი უმოქმედობაში. ,,დიცში ჩასვლისთანავე ერთ-ერთმა ადგილობრივმა მაცხოვრებელმა გადანყვიტა ,,მეგ ზურობა“ გაენია ჩემთვის. როგორც მოგვიანებით გავარკვეე ის ,, ოცნების“ ძველი პროვოკატორი აღმოჩნდა, რომელიც იქ მეპატიჟებოდა, სადაც ,,არავინ“ მისულა ქართული მხარიდან. საინტერესო იყო ქართველი პოლიციელების უმოქმედობა, შორიდან მიყურებდნენ. სადამკვირებლო მისიის წარმომადგენლები კი უკან გამომყვნენ, მთხოვეს პროვოკაციას არ ავყოლოდი და ახლოს არ მივსულიყავი უკონტროლო ტერიტორიებთან,“ განაცხადა გუბერნატორმა და აღნიშნა, რომ ასეთი ქმედებებით ჩვენი ქვეყნის უკეთეს მომავალს ვერ ავაშენებთ.